



rau Se Xyoo 2023

Kev Cai Ua Se rau Niam Qhuas Txiv Qhuas, Cov Txheeb Ze, thiab Yuav Menyuam

Tax Rules for Foster Care, Realatives Raising Kids, and Adoption

Yog kuv tau nyiaj los tu ib tug menuam, puas suav tias yog nyiaj hli ua haujlwm tau rau kuv kev ua se?


Cov nyiaj koj tau rau cov hauv qab no, TSIS suav tias yog nyiaj hli ua haujlwm tau los rau koj kev ua se.

- Nyiaj tau los ntawm kev saib xyuas
- “Difficulty of care” yog nyiaj tau los (ntxiv rau kev pab saib xyuas rau tej haujlwm tsis yooj yim uas yog cov nyiaj koj tau los ntawm kev pab saib xyuas tus menuam foster uas xiam oob qhab ntawm tes taw, laj lim plab plaw, lossis kev siab tsis tu):
- Cov nyiaj pab thaum mus yuav me nyuam uas pab them nqis zov menuam:
- MFIP (Minnesota Family Investment Program), thiab SNAP (food stamps)
- Tu 10 leej lossis tsawg dua tus menuam **yog tias** qhov nyiaj tuaj ntawm qhov chaw pab menuam yuav peev uas koomhaum nom tswv ntiav.

Koj siv tau tej nqi them tuaj no los saib seb cov txiaj ntsim ntawm Minnesota Child and Working Family Credits thiab se vaj tse yuav tau rov qab npaum cas.

Cov nyiaj koj tau ntawm tej kev pab li nram no yog nyiaj se sau tau thiab SUAV tias yog koj cov nyiaj ua haujlwm los rau lwm xyoo ua se rau koj. Saib xyuas 10 los sis ntau tshaj tus menuam foster care:

- Tseg ib lub txaj npaj tos tab txawm tsis siv li:
- Lub tsev rau ib co menuam:
- Saib xyuas ntau tshaj 5 leeg muaj hnub nyoog laus tshaj 19 xyoos



Kuv cov nyiaj kuv siv los tu menuam puas sauv tau tias yog “nyiaj rho tawm rau pab dawb”?

Yog koj them rau cov khoom los pab tu thiab txhawb tus menuam, thiab koj tsis tau nyiaj rov qab los ntawm tsoom fwv (them rov qab rau koj), tej zaum koj muaj feem muab cov nyiaj ua se tias “nyiaj pab dawb” thiab yuav tau them se tsawg dua. Sau daim ntawv “Schedule A, Itemized Deductions.”

Txhua qhov nyiaj koj siv tiام sis tau rov qab los ntawm tsoom fwv UA TSIS TAU hais tias yog “nyiaj pab dawb.”

Cov neeg muaj cai saib xyuas menuam ua tsis tau qhov nyiaj pab dawb yog hais tias koj siv koj tus kheej cov nyiaj los tu thiab txhawb tus menuam.

Tso Lwm Tus Npe Rau Koj Kev Ua Se

Cov cai qhia txog leejtwg koj thiaj tso npe ua se tau. Txoj cai rau ib tug “menuam tsim nyog” thiab ib tug txheeb ze txawv. Feem ntau, neeg coob hauv koj tsev neeg sau tias txheeb ze tsim nyog dua qhov hais tias menuam tsim nyog.

Menuam Muaj Feem

Ib tug menuam tsim nyog yog:

- Koj tus menuam, menuam txij nkawm coj sab nraud los, menuam qhuas, muam, kws/tij laug txij nkawm coj sab nraud los, muam txij nkawm coj sab nraud los, lossis ib tug menuam ntawm cov txheeb ze no. Qhov no puav leej suav txog ib tug meyuam uas nrog koj nyob uas yuav yuav nws, txawm hais tias ua ntaub ntawv tsis tau tas. Ib tug menuam qhuas yog tus menuam uas ib lub chaw ua haujlwm lossis tsev hais plaub tso cai nrog koj nyob.
- Tus menuam yuav tsum nrog tus uas them se nyob kom **tshaj ib tog xyoo** rau hauv tebchaws US. Sijhawm ncua tom tsev kawm ntawv, mus ua si ncig tebchaws, mob nkeeg, ua tub rog, nyiag neeg, lossis raug kaw rau cov hluas tej kev txhaum txim los yeej tseem suav tau tias nws nyob hauv tsev.

Muaj kev zam rau cov kev sib nraug lossis niam thiab txiv sib cais. Qhov yuav zam tau yog tso cai rau tus niam/txiv uas tsis nrog tus menuam nyob los kom nws tso menuam npe ua se tau. Tiam sis tsis yog ob leeg, tsuas yog seb niam los yog txiv uas yuav siv tau tus me nyuam npe lawm xwb. Qhov kev zam no kuj TSIS cuam tshuam rau tus thawj niam/txiv tsev ua se, tus Txiaj Ntsim Tebchaws Menyuam thiab Kev Tu Cov Tos Yus Noj Haus, lossis puas tau Earned Income Tax Credit (EITC).



- Tus menuam yuav tsum hluas dua tus them se yog tias lawv tsis yog xiam oob qhab tag sim thiab ib ce cia li ua tsis taus li lawm rau ib lub xyoos twg. Kev txwv hnub nyoog kuj muaj txwv rau tej yam txiaj ntsim ua se:
 - **Txiaj Ntsim rau Nqi Zov Menyuam thiab Tus Tos Yus Kev Noj Haus** tus menuam yuav tsum yog yaus dua 13 xyoos thaum muab kev saib xyuas no pab rau lossis tias txawm lub hnub nyog luaj li cas lossis tus menuam yeej xiam oob qhab thiab yeej pab tsis tau nws tus kheej.
 - **Txiaj Ntsim Menyuam Ua Se** – tus menuam yuav tsum hluas dua 17 xyoos rau hnub Kaum Ob Hlis Ntuj, tim 31, xyoo 2022.

- **Tus thawj Niam/Txiv Tsev Ua Se thiab Earned Income Tax Credit (EITC) – tus menuam yuav tsum yog hluas dua 19 xyoos lo sis yog menuam kawm ntawv uas tsis tau muaj 24 xyoos rau hnub Kaum Ob Hlis Ntuj, tim 31, xyoo 2022, lossis hnub nyog li cas los tau yog tias nws xiam oob qhab tag ib sim los sis ib ce cia li ua tsis taus li lawm.**
- Tus menuam twb pab tsis tau ib nrab los yog nws tus kheej rau ib xyoos twg. Qhov no yog hu uas “support test.” Cov nyiaj Social Security tej kev pab tus menuam tau ntawm los ntawm ib tug niam, ib tug txiv vim tau tag sim neej lawm los yog xiam oob qhab lawm suav tias yog menuam tej nyiaj hli. Cov kev yuav pab soj ntsuam yuav tsis cuam tshuam rau kev los tso npe ua saib se puas tsim nyog tus them se no txais tej txiaj ntsim ua se kom tau EITC.
- Yog tus menuam yeej yog menuam muaj feem, tiam sis leej niam los sis leej txiv yuav tsis tso menuam npe ua se es yuav TSIS MUAJ LEEJTWG tso npe tau li yog tias cov Adjusted Gross Income (AGI) yuav siab dua tagnrho ob leej niam thiab txiv. Tej xwm txheeji no yeej muaj ntau tsev neeg nyob ua ke.
- Yog muaj tshaj ib tug neeg them se yuav siv tus menuam muaj feem ua se, thiab lawv hais tsis haum tias leej twg thiaj yuav tso npe tau xwb, leej niam los sis leej txiv uas nrog tus menuam nyob ntev tshaj rau xyoo ntawd tso tau tus menuam npe rau nws kev ua se. Yog tus menuam nrog ob leej nyob ntev ib yam, tus niam/txiv uas ua hauj lwm tau nyiaj ntau dua siv tus menuam npe ua se.

Yog tus menuam:

1. tsis nrog ib leeg niam los sis txiv nyob li,
 2. yog tus menuam muaj feem rau tshaj ib tus tib neeg them se, thiab
 3. cov neeg them se hais tsis haum tias tus twg thiaj muaj feem tso tus menuam npe ua se,
- ces tus neeg them se uas tau nyiaj hauj lwm siab dua tso tau tus menuam npe ua se.



Tus Txheeb Ze Muaj Feem

Tus txheeb ze muaj yog tus uas:

- yog xam xaj neeg Asmislistkas, a U.S resident alien, a U.S. national, lossis nyob rau tebchaws United States, Canada lossis Mexico, thiab yog
- **tswv cuab rau koj tsev neeg uas nyob thawm xyooj** (txawm hais tias tsis txheeb koj), lossis
- ib tse neeg tus tswv cuab uas tej zaum nyob los kuj tsis nyob nrog koj xws li:
 - koj tus me nyuam, xeeb leej, xeeb ntxwv, me nyuam txij nkawm tshiab coj los,
 - koj tus kwvtij, muam, viv ncaus, kwvtij, muam, viv ncaus, nus los ntawm niam thiab txiv tshiab,
 - niam thiab txiv, pog yawg, niam tais yawm txiv, niam thiab txiv tshiab

- muam phauj yij laug, niam ntxawm, txiv ntxawm, niam hlob txiv hlob, kwvtij tej ntxhais los sis tub
- niam tais yawm txiv, vauv, nyab
- yawm yij, niam dab laug, niam ntxawm, niam tij

Feem ntau tus menuam lossis tus neeg ua **tsis tau** koj tus txheeb ze tsim nyog yog:

- Lawv uas muaj txij nkawm thiab nws ua se nrog nws tus txij nkawm lawm
- Lawv uas ua hauj lwm tau nyiaj tshaj \$4,700 rau xyoo 2023. **Tiam sis**, yog tus tib neeg ntawd yog koj tus me nyuam uas tsis tau muaj 19 xyoos los sis nws yog me nyuam kawm ntaww uas tsis tau muaj 24 xyoos, lawv tseem yog tus tos koj rau kev noj haus thiab tias nws txawm ua hauj lwm tau nyiaj tshaj los tau.
- Koj pab nyiaj tsawg dua ib nrab ntawm lawv nyiaj yug xyoo tas los (qhov support test).

Cov cai no rau tus menuam tsim nyog thiab tus txheeb ze tsim nyog rau tsoom fwv se. Minnesota siv cov kev cai li no rau xeev thiab vajtse cov se. Nug tus neeg ua koj cov se kom pab koj xyuas seb leejtwg hauv koj tsev neeg yog tus menuam thiab/lossis txheeb ze tsim nyog tau.



Ua Tau Li Qhov “Support Test”

IRS Publication 501 muaj ntaub ntaww los pab xyuas seb tus menuam lossis neeg (rau tus menuam tsim nyog) lossis koj (rau tus txheeb ze tsim nyog) puas ua tau qhov support test. Koj hu tau IRS ntawm 1-800-TAX-1040 lossis mus rau lawv lub vas sab ntawm www.irs.gov mus muab daim ntaww. Koj mus nrhiav tau daim ntaww ntawm <https://www.irs.gov/pub/irs-pdf/p501.pdf>.

Cov niam thiab txiv qhuav foster care uas tau tso tias yog muaj nyiaj pab koom haum “charitable deduction” rau tej yam nuj nqis ces yuav siv tsis tau tib tug nqi ntawd coj los ntaus nqi tias yog tej kev nws pab lawm thiab no.

Menyuam Ua Se

Yog koj ua tau li cov cai los muab tus menuam ua se, tus menuam yau dua 17 xyoo thiab koj khvw tau nyiaj li \$2,500, tej zaum koj muaj feem tau **Menyuam Se**, uas tau li \$2,000 rau ib tug menuam. Txawm hais tias koj tsis tiv nyiaj se ntau, los koj tseem muaj feem tau mus txog li \$1,600 ntawm qhov \$2,000 rov los rau txhua tus menuam. Yog koj tsis tau tus txiaj ntsim muaj feem tau Child Tax Credit, tej zaum koj yuav tau tus txiaj ntsim ntawm lwm tus uas tseem tos koj rau kev noj haus uas hu tias **Credit for Other Dependents**, uas yuav raug li \$500 rau ib tug menuam uas tos koj noj haus.

Kuv tso puas tau menuam npe ua tus menuam muaj feem tau txiaj ntsim se ntawm Earned Income Tax Credit (EITC) thiab Minnesota qhov ♦ Minnesota Menyuam thiab Tsev Neeg ua Haujlwm Cov Nyiaj Rov Qab (CWFC)?

Tau, yog tias tus me yuam nyob rau lo ntsiab lus txhais ntawm qhov tias nws yog tus menuam tsim nyog “qualifying child” qhia txog puag tas hauv daim ntaww no. Yuav tso **tsis tau** “txheeb ze muaj feem” lub npe rau tej txiaj ntsim ua se ntawm EITC los sis CWFC.

Tej nuj nqis them zov me nyuam puas siv tau coj los rho tshem tawm nqi se?

Tej zaum koj yuav tau tebchaws kev pab ntawm Federal Child and Dependent Cared Credit los sis Minnesota Child and Dependent Care Credit yog tias tus menuam:

- tau kev muaj feem uas tus tos koj rau kev noj haus
- tseem tsis tau muaj 13 xyoos rau lub sijhawm ua se, **THIAB**
- tseem raug lwm tus pab saib xyuas (uas koj yog tus the nqi rau) uas koj tseem mus ua hauj lwm los sis mus nrhiav hauj lwm ua.

Yog tus menuam muaj 13 xyoos lo sis tshaj lawm, xiam oob qhab thiab yeej pab tsis tau tus kheej, tej zaum koj yuav siv tau cov txiaj ntsim no rau koj ua se.

Muaj ntau tsev neeg uas tau nyiaj tsawg uas twb yeej tseem tsis tau tus txiaj ntsim ua se tebchaws, ua tau rau tus Minnesota credit. Qhov Minnesota nyiaj rov qab kuj muaj yog hais tias koj tau ib tug menuam mob liab, txawm hais tias koj tsis muaj cov nqi yug menuam.

Tus Txiaj Ntsim ntawm menuam Yuav Los Tu Adoption Tax Credit yog li cas?

Adoption Tax Credit yog tus txiaj ntsim rau tej yam nuj nqis koj muaj rau lub sijhawm koj mus ua ntaub ntaww yuav tus menuam. Qhov siab tshaj uas koj yuav siv tau ua lub txiaj ntsim ces yog \$15,950. Tej nuj nqis uas tsim nyog rau tej txiaj ntsim ntawd ces yog zoo li:

- tus nqis yuav menuam:
- nqi them rau tsev hais plaug ntug:
- nuj nqis ntiav kws lij choj:
- nuj nqis kev kho mob:
- kev mus los:



Tus menuam yuav tsum yog tseem hluas dua 18 xyoo lossis nws laj lim thiab tes taw yeej xiam oob qhab lawm. Yog tias koj mus yuav ib tug menuam uas yuav tsum tau kev pab tshwj xeeb, tej zaum koj yuav tau tej txiaj ntsim tab txawm tias koj tsis tau poob ib qho nuj nqis li. Kom tau tej txiaj ntsim, tus menuam muaj kev tshwj xeeb yuav tsum yog ib tug neeg xam xaj U.S. thiab ib lub chaw ua haujlwm hauv lub xeev yuav tsum tau txiav txim hais tias tus menuam mus tsis tau lossis yuav tsum tsis txhob tso rov mus rau niam txiv thiab hais tias yuav tsum muab tus menuam rau lwm tus es koj thiaj li ua tau ntaub ntaww los yuav tus menuam.

Nco cia: nuj nqis them mus yuav tus menuam koj tus txij nkawm tus me nyuam yuav suav TSIS TAU coj los rho nqi se

Kuv siv puas tau tej txiaj ntsim ntawm cov nuj nqi them rau kev kawm?

Yog tias koj tso tau tus menuam npe tias nws yog tus tos koj noj haus, thiab tus menuam tso npe mus kawm ntawv qib siab (tsev kawm qib siab), tej zaum koj yuav siv tau cov nqis them rau kev kawm ntawv los ua txiaj ntsim los sis kev rho se tawm rau koj kev ua se. Kom paub meej txog txog tebchaws no tej federal education tax credits thiab deduction, mus saib IRS tej ntawv publication 970. Hu rau 1-800-TAX-1040 los sis mus saib www.irs.gov. Koj mus nrhiav tau daim ntawv Publication online ntawm <https://www.irs.gov/pub/irs-pdf/p970.pdf>.

Yog koj tus menuam yog ib tug muaj feem tau EITC, thiab tseem kawm ntawv rau qib Kindergarten mus rau qib 12, tej zaum koj kuj tseem yuav tau Minnesota tax credit los sis los rho tshem rau tej nqi them rau kev kawm. Koj yuav tau tej txiaj ntsim ua se ntawm tab txawm koj tsis tau nyiaj hli ua haujlwm tau los. Koj muaj feem tau tagnrho lossis ib feem **nyiaj rov qab** thiab mus txog 75% ntawm cov nqi rov qab yog hais tias koj cov nyiaj ua ntej txiav se qis dua \$76,000 nrog rau 1 lossis 2 tug menuam uas muaj feem.

Yog koj muaj ntau tusme nyuam muaj feem, qhov nyiaj siab tshaj ua ntej txiav se pub mus txog \$3,000 rau ib tug menuam twg. Koj yuav tau tus txiaj ntsim los **rho** nqi se tawm yam tsis hais tias koj tau nyiaj hli hauj lwm ntau npaum cas.

Qhov yuav txiav txim tias tau thiab tsis tau yog muaj:

- kev kawm tom qab tsev kawv ntawv kev cob qhia
- suab paj nruag
- kev kawm rau caij ntuj so
- tej twj txheej rau computer (tsis pub tshaj \$200)
- ntawv, cwj mem kob, cwj mem qhuav, lwm yam
- nqi mus kawm cov tsev kawm ntawv ntiaj (cov nqi no yog coj los rho tshem nqi se xwb, tsis yog txiaj ntsim ua se)



Nco Tsoom! Koj yuav tsum muaj ntaub ntawv xws li ntawv pov thawj yuav khoom lossis ntawv sau nyiaj los uas pov thawj tias koj them cov nqi.

Saib peb daim ntawv tseeb:

[Nco Ntsoov Txog Kev Ua Se Thaum Rov Qab Mus Kawm Ntawv: Minnesota Kev Kawm Ntawv Txiaj Ntsim thiab Kev Rho.](http://www.irs.gov/pub/irs-pdf/p970.pdf)

Yog koj tsis tau Ua Se, Ua Tam Sis No!

Siv tau mus txog 3 lub xyoo los muab cov EITC thiab lwm cov txiaj ntsim ua se ntawm nyiaj hli ua haujlwm tau. Yog koj tsis tau ua se rau li 3 lub xyoos los lawm, koj ua se tau tam sis no thiab los muab cov EITC thiab lwm co txiaj ntsim se. Tej ntaub ntawv ua se thiab tej txiaj ntsim yuav hloov txhua xyool Saib zoo thiaj yuav siv tau daim ntawv yog rau xyoo uas koj ua se ntawd! Xav paub meej ntxiv no hu rau IRS ntawm tus xov tooj hauv qab no los sis mus saib lawv lub vas sab, www.irs.gov. Yog koj twb ua se tag lawm tiam sis ho tsis tau tso me nyuam npe rau cov txiaj ntsim koj xam txog tias tsim nyog koj tso rau lawm, koj tseem ua tau qhov tias koj xav kho ntawm daim Form 1040X (daim rau teb chaws) los sis M1X (Xeev Minnesota) rau cov se 3 xyoos dhau los mus lawm.

Se teb chaws, hu rau (800) TAX-1040.

Se rau Minnesota, hu rau (651) 296-3781.



Pab Ua Se Dawb

Kev pab ua se **dawb** rau cov tau nyiaj ua hauj tsawg, cov xiam oob qhab, thiab cov neeg laus. Nrhiav kev pab nyob ze koj, hu rau (651) 297-3724 los sis koom haum United Way thoob lub xeev ntawm 2-1-1 los sis (800) 543-7709 ntawm xov tooj ntawm tes. Koj nrhiav tau kev pab dawb ze koj ces mus saib ntawm www.irs.gov/vita.

*Daim ntawv meej tseeb no tsuas yog ua rau xyoo ua se 2023 xwb.
Cov se no yuav tsum xam mus lub Tim 15, Xyoo 2024.*

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2024 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.